

Spirit of Bosnia / Duh Bosne

An International, Interdisciplinary, Bilingual, Online Journal
Me?unarodni, interdisciplinarni, dvojezi?ni, online ?asopis

PET MJERA ZLATA

Branislav Antov Mikuli?

Ima u omiljenoj knjizi moje mame, Knjizi nad knjigama, jedna ?udna pri?a o novcu (Matej 25: 14-30) . Kada je prvi put pro?itah, ima tome sijaset godina, doimala mi se previše jednostavnom, pa ?ak i naivnom. Povrh toga, temom mi se ?inila posve neprikladnom za ozbiljno štivo koje je, po vjerovanju, sami Bog diktirao u uho spisatelju.

Pri?a govori o tri sluge kojima je gospodar, koji je krenuo na dug i dalek put, povjerio njegovo blago. Jednome je dao pet vre?ica zlatnika, drugome dvije, a tre?emu jednu. Kada se vratio s puta, upitao je sluge: 'Šta uradiste sa mojim blagom?' Prvi re?e da ga je stavio u promet i tako udvostru?io. Drugi pruži isti odgovor. Njih gospodar obilato nagradi davši im da vladaju sa isto toliko gradova u njegovu kraljevstvu. Tre?i pak odgovori da je od straha da ne izgubi povjereno mu blago, iskopao rupu i zatrpao ga u zemlju. Duboko, da ga niko ne nadje. ?uvši to, gospodar se razljuti i ukori ga. 'Zašto novac nisi bar uložio kod nov?ara, da ga kada se vratim dobijem nazad sa prinosom?' 'Potom ga utamni?i.

Pri?a mi se u prvi mah u?ini nezanimljivom, bez posebne poruke koju o?ekujemo u tako posebnoj knjizi. U stvari, pomislih da bi pri?a bolje pristajala u neku slikovnicu kojom se predškolska djeca uvode u osnovne principe ekonomije, u udžbenik za doma?ice koje kane da se okušaju u berzanskim igrama ili u priru?nik za investitore iz Sjeverne Koreje. Zaklopih knjigu koja me po ko zna koji put iznevjeri, a pri?u tako bezli?nu i nesadržajnu , brzo zaboravih.

Kasnije, mnogo kasnije pro?itah je opet. Pro?itah je kroz novu prizmu, kroz optiku koju sam dobio lutaju?i svudnaokolo tražeci odgovor na vjeru u nadnaravno, na ufanje u neopipljivo i nevidljivo. I polako je po?injah razumijevati. Meni se pokazalo da je to je pri?a o ljubavi, a ne o novcu. Pri?a o ljubavi koju oli?ava Bog, onaj kako ga ja ho?u vidjeti, moj privatni Bog. Ja vjerujem da nas je stvorio da ljubimo ljube?i nas. On nas i danas dariva, svakodnevno nas grli i nudi nam radost bezgrani?nu.

Ja vidjeh i vidim Boga u toj prastaraj pri?i o novcu. On je glavni njen lik. On je taj koji nam podade blago, najve?e što postoji. On nam daje i daje ljubav, to ?udesno blago, jedino bogatstvo koje se daju?i vra?a, a dijele?i umnožava. Dade nam ljubav ogromnu, nekome punu vre?u, nekome dvije, a nekome pet ili još više, ali ne da je sebi?no ?uvamo za sebe, ve? da bismo je širili i umnožavali daruju?i je drugima oko nas, nesebi?no i bezusovno. Ljube?i i mi ?emo biti voljeni. Primi?emo zauzvrat obilje ljubavi, još više, punu mjeru, nabijenu do vrha da se presipa i u nedogled ?e tako rasti ljubav davana i primana sve dok potpuno ne ovlada svijetom. Dok sve ne postane JEDNO: Ljubav ili Bog, meni svejedno.

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.